

## 附錄

漢唐間西域及海南諸國  
古地理書叙錄 (節錄)

向達

## 《吳時外國傳》、《扶南記》

《吳時外國傳》及《扶南記》二書，卷亡，孫吳時中郎康泰撰，今佚。《梁書·海南諸國傳》稱泰與宣化從事朱應通海南諸國，經歷傳聞百數十國，因立記傳云云。康泰書不知佚於何時，今散見於《水經注》、《藝文類聚》、《太平御覽》諸書。《吳時外國傳》，《太平御覽》引書目作此，而卷九百七十一及卷九百七十五引作《吳時外國志》，《藝文類聚》卷八十七引亦作《吳時外國志》。《扶南記》，《水經注》卷一引作《扶南傳》，卷三十六引作康泰《扶南記》，《太平御覽》卷七百八十七引作《扶南土俗》。今按《梁書》有因立記傳之文，康泰所作書如有兩種，疑當名為《吳時外國傳》及《扶南記》也。朱應別有《扶南異物志》一卷，《隋書經籍志》及《唐書藝文志》俱著錄。

康泰書不見《隋書經籍志》，《梁書·海南諸國傳》大都依據康氏書。顧卷帙無考，全書體制若何不甚可知。今就散見群書之《吳時外國傳》與《扶南記》觀之，所述大致相同，《外國傳》紀扶南事頗夥，而《扶南記》所誌亦不盡為扶南。如《水經注》卷一引《扶南記》，從迦那調洲西南到枝扈黎大江口，渡江而西，極為大秦之一段文字，與《御覽》卷七百七十一帆引《吳時外國傳》文略同，少有繁簡之殊而已。如屬兩書，似不應如此雷同。故

楊守敬氏以為“《吳時外國傳》其總書名，《扶南傳》又其書之一種”（《水經注疏要刪》卷一）。余疑不惟所謂《扶南傳》者為即《吳時外國傳》中之一部分，即《扶南記》、《扶南土俗》與《外國傳》亦實為一書。《扶南記》等名如非原書之子題，則係傳抄者以意分之，後時沿襲，遂成二書耳。

康泰事蹟僅見《梁書·海南諸國傳》，顧亦甚略。今按孫權既定江左，屢耀兵海外，黃龍二年遣將軍衛溫、諸葛直將軍士萬人浮海求夷洲及亶洲，赤烏五年遣將軍聶友、校尉陸凱以兵三萬討珠崖、儋耳。先是黃武五年交趾太守士燮卒，因分交趾為交、廣二州，燮子徽自立為交趾太守，拒不受命。呂岱被詔討徽，平定交州。《三國志·吳書·呂岱傳》稱岱“既定交州，復進討九真，斬獲以萬數。又遣從事南宣國化，暨徼外扶南、林邑、堂明諸王各遣使奉貢”。朱應、康泰之通海南，當受岱命。岱平交州、九真，遣使外國，在黃武六年左右，康泰書之成，似在斯時，即公元二二七年左右也。《吳書·吳主傳》又能稱赤烏六年十二月扶南王范旃遣使獻樂人及方物。今按《梁書·扶南傳》謂范旃為前王范蔓之子長所殺。旃部將范尋又殺長而自立。康泰、朱應使扶南，正尋在位之時。《吳書》欲云在黃武六年後十六年范旃尚遣使貢獻，不知此時范旃死已二十年矣。此必《吳書》之誤也。孫吳時遣使海南一事，日本人駒井義明有〈孫權遣使南方考〉一文（見日本《歷史地理》第二十五卷第六號，民國十八年出版），於朱應、康泰二人南行所歷之路程，康泰書所述各地名今地之考證，一一為之疏通證合；大都比輯諸說，加以斷制。將分見後輯康氏書中，茲不能贅也。

## 《扶南異物志》

《扶南異物志》一卷，朱應撰，《隋書經籍志》著錄，今佚。應事蹟只略見《梁書·海南諸國傳》，謂為吳時從事，南宣國化，與康泰同使扶南諸國。康泰之於朱應，疑亦如鞏珍之鄭和也。朱應書《初學記》、《類聚》、《御覽》諸書俱未輯錄，不知佚於何時。章宗源氏舉《通典邊防門注》、《史記大宛列傳正義》引宋膺《異物志》，疑宋膺即為朱應之訛，不知然否。按《北堂書鈔》卷一百三十二·帳引有“《應志》云：斯調國王作白珠交給帳，遣遣天竺之佛神”。所謂《應志》，豈即指朱應之《扶南異物志》而言耶？

[原載《北平圖書館館刊》四卷六號（1930年12月）；後刊《唐代長安與西域文明》，三聯書店1957年版]

# 朱應康泰行紀研究

方詩銘

華土與海南諸國之交通，其有行紀可徵者，當自朱應、康泰始。《梁書·海南諸國傳》云：“海南諸國大抵在交州南及西南大海洲上，相去近者三五千里，遠者二三萬里，其西與西域諸國接。漢元鼎中遣伏波將軍路博德開百越，置日南郡，其徼外諸國自武帝以來皆朝貢，後漢桓帝世大秦、天竺皆由此道通使貢獻。及吳孫權時遣宣化從事朱應、中郎康泰通焉，其所紀及傳聞則有百數十國，因立記傳。”其事不見陳壽《吳志》，然《呂岱傳》有“岱既定交州，復進討九真，斬獲以萬數，又遣從事南宣國化，暨徼外[扶南]、林邑、堂明諸王，各遣使奉貢。”所云“遣從事南宣國化”，或即《梁書》所謂“遣宣化從事”也。呂岱之定交州在孫權黃武五年，其時代亦頗合。《梁書》謂“其所經及傳聞則有百數十國，因立記傳”，則二人返國時當各撰有行紀，惜今皆佚，《隋書經籍志》有“《扶南異物志》一卷”，題“朱應撰”。《舊唐書經籍志》、《新唐書藝文志》同（惟《藝文志》作米應，當係書誤），是朱應有《扶南異物志》之作也。康泰書《隋志》未著錄，然自酈氏《水經注》以下暨諸類書則多稱引之。見諸《水經注》者稱“康泰扶南傳”（卷一）及“康泰扶南記”（卷三六），見諸《史記正義》者稱“康泰外國傳”及“康氏外國傳”（均見卷一三三大宛傳），《太平御覽》則稱“康泰吳時外國傳”（卷三五九）及“康泰扶南土俗”（卷七八七），由所引佚文，展轉互證，更知《北堂書鈔》所引不具撰人之《吳時外國傳》、《扶南傳》，《藝文類聚》之《吳時外國傳》、